



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Concilivm Biterrense Svb Liberio Papa.

urn:nbn:de:hbz:466:1-15256

cum illis gratificationes te ipsum reum facias. Quæ enim eis indulleris, de illis in iudicio solus cogaris causam reddere: isti suum inimicum per te satagunt iniuria afficere, teque volunt ministrum suæ malitiæ esse, vt per te detestabilem hæresim in ecclesia seminent. Non est prudentis, in gratiam alienæ libidinis seipsum in periculum certum conicere. Desine, quæso, & ausculta mihi, Constanti: hoc enim decet & me scribere, & te non vilipendere.

ANNO
CHRISTI
335.

CONCILIVM BITERRENSE
SVB LIBERIO PAPA.

ANNO
CHRISTI
336.

De quo Hilarius Pictauorum episcopus Saturnini Arelatensis dolo in exilium actus est, anno Christi cccclvi. Liberii papæ v. Constantii Aug. xx. in Gallia iv.

SYNODI *Biterrensis post Arelatensem meminit, vt dictum est, Sulpitius Seuerus. In hac cum hæresim Arianam ingerere pararet Saturninus episcopus Arelatensis, fidei periculum præuidens Hilarius, episcopis qui ad Synodum conuenerant, hæreseos cognitionem obtulit, vt cauerent, ingerendæque blasphemiam patronos denuntiauit. sed frustra, vt ipsemet narrat in libro aduersus Constantium: Quibus postea, inquit, Gallicanis nimirum episcopis, per factionem eorum pseudoapostolorum ad Biterrensem Synodum compulsis, cognitionem huius hæreseos obtuli. Sed hi timentes publicæ conscientiam, audire ingesta a me noluerunt: putantes se innocentiam suam Christo posse mentiri, si volentes nescirent quod gesturi postmodum essent scientes. Et in libro de Synodis. Mansit namque, atque etiam nunc permanet, post Synodi Biterrensis professionem, in qua patronos huius hæreseos ingerendæ quibusdam vobis testibus denuntiaueram, innocens, inuiolataque religio. Ea re commotus in Hilarium Saturninus, & quia is iam ante post Paulini, aliorumque exilium, a Saturnini & sociorum se communionem separauerat, aduersantem conatibus suis non ferens, egit, circumuento falsis Synodi nuntio Constantio, vt Hilarius in exilium pelleretur. Quod Hilarius item ipse docet in eodem libro de Synodis: Vos compar-*
ticipes

ANNO
CHRISTI
356.

ticipes exilii mei, in quod me Saturninus, ipsam conscientiam suam veritus, circumuento imperatore detruferat. *Et in libello ad Constantium, cuius exordium,* Non sum nescius: Exulo autem, *inquit,* non crimine, sed factione, & falsis nuntiis Synodi apud te imperatorem pium, non ob aliquam criminum meorum conscientiam, per impios homines delatis. *Hieronymus denique de scriptoribus ecclesiasticis:* Hilarius vrbis Pictaurore Aquitanicæ episcopus, factione Saturnini Arelatenfis episcopi, de Synodo Biterrensi Phrygiam relegatus.

NOTA.

* *Concilium Biterrense,*] Cum episcopi fama celeberrimi ob fidem catholicam in exilium acti essent, iamque satis Arianorum persecutio aduersus ecclesiam catholicam declarata esset, Hilarius & episcopi Gallicani in vnum conuenientes, edito decreto, se mutuo consensu a communionem Saturnini, Valentis & Ursacii separarunt, ad dentes excommunicationis sententia feriendos esse, qui ad vitandam eorum communionem admoniti, sententiæ episcoporum catholicorum non obtemperarent. Quod cum inter alios Arianos Saturninus Arelatenfis episcopus iniquo animo ferret, indignum iudicans se ab episcopis suæ prouinciæ communicatione excludi, & anathemati traditum ab omnibus euitari, fauore Constantii egit, vt in sua diœcesi prope Arelatem Biterris Concilium cogeretur, ad quod vi præsidum catholici episcopi venire compellerentur. Hoc Conuentu coacto, S. Hilarius timens, ne Ariani, quod alias ante hæc fecerant, simulare sub mentito *substantiæ* nomine, simplicitatem plurimorum orthodoxorum episcoporum circumuenirent, libellum legendum obtulit, quo Arianorum latebræ, eorumque dolosæ infidiæ ac blasphemæ hæreses omnibus innotescerent. Sed ne hæc ab Hilario ingesta legerentur, resistentes, tandem ipsum Hilarium, exciue Pictauiensi coniugato episcopum, quarto anno ante Seleucienfem Conciliabulum, teste Seuero, sub consularu Eusebii & Hypatii habitum, relegarunt, anno Liberii quinto, qui est Constantii vigesimus, & Christi Domini 356. Seleucienfem Concilium anno Christi 359. celebratum fuisse infra dicemus. Hæc ex Hilarii libello ad Constantium, Baron. ann. 356. num. 105. & seqq.

Causa Concilii.

Hilarius ceterique Gallie episcopi Saturninum excommunicarunt.

Ex hoc Concilio Hilarius Pictauiensis relegatur.